

Komisija za vrijednosne papire Federacije Bosne i Hercegovine, na osnovu čl. 11., 12., a u vezi sa čl. 13. Zakona o Komisiji za vrijednosne papire («Službene novine Federacije BiH», broj 39/98, 36/99 i 33/04), čl. 49. - 57. Zakona o investicijskim fondovima («Službene novine Federacije BiH», broj 85/08), a u vezi sa čl. 3. st. 2. tč. c), i čl. 40. Pravilnika o obavljanju poslova skrbnika i depozitara na tržištu vrijednosnih papira («Službene novine Federacije BiH», broj 55/05, 71/06, 27/07, 31/07 i 3/08), rješavajući po zahtjevu društva „HYPO ALPE-ADRIA-BANK“ d.d. Mostar, u predmetu izdavanja dozvole za obavljanje poslova depozitara fonda, na 238. sjednici održanoj dana 22.04.2009. godine, donosi

R J E Š E N J E

1. IZDAJE SE društvu „HYPO ALPE-ADRIA-BANK“ d.d. Mostar dozvola za obavljanje poslova depozitara fonda;
2. Društvo iz tačke 1. ovog Rješenja je dužno permanentno ispunjavati uslove za sticanje dozvole, na zahtjev Komisije predložiti dokaze o ispunjavanju uslova za sticanje dozvole, te uplaćivati godišnju naknadu za nadzor i održavanje dozvole na način i u roku koji odredi Komisija;
3. Ovo Rješenje je konačno i objaviće se u “Službenim novinama Federacije BiH”.

O b r a z l o ž e n j e

Društvo je dana 14.04.2009. godine podnijelo zahtjev Komisiji za vrijednosne papire Federacije BiH kojim se traži izdavanje dozvole za obavljanje poslova depozitara fonda. Zahtjev i prateća dokumentacija su kompletirani u skladu sa odredbama člana 41. Pravilnika o obavljanju poslova skrbnika i depozitara na tržištu vrijednosnih papira.

Shodno navedenom, a u skladu sa citiranim odredbama, Komisija je donijela odluku kao u dispozitivu ovog rješenja.

Broj: 05/1-19-115/09
Sarajevo, 22.04.2009. godine

Zamjenik predsjednika
Komisije za vrijednosne papire
Federacije Bosne i Hercegovine

dr. Mirko Puljić